



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-22-1-1205/19

Datum: 30.04.2019.godine

Na osnovu člana 6. Odluke o radnom vremenu u određenim djelatnostima na području općine Tešanj ("Službeni glasnik općine Tešanj", broj:12/01,4/10,7/14), člana 200. Zakona o upravnom postupku ("Sl. Novine FBiH", broj: 2/98,48/99) i člana 30. Statuta Općine Tešanj („Sl.glasnik Općine Tešanj“, broj: 11/07) Općinski načelnik donosi

RJEŠENJE

o produženom radnom vremenu ugostiteljskih objekata
za vrijeme trajanja mjeseca Ramazana

1.Odobrava se vlasnicima svih ugostiteljskih objekata registrovanih na području općine Tešanj produženo radno vrijeme u periodu trajanja mjeseca Ramazana, odnosno od 05.05.-03.06.2019. godine (zadnji dan mjeseca Ramazana).

Za vrijeme Bajramskih praznika radno vrijeme ugostiteljskih objekata je regulisano postojećom Odlukom o radnom vremenu u određenim djelatnostima na području općine Tešanj.

2. Produženo radno vrijeme će trajati do **02,00 sata iza ponoći.**

3. Zabranjuje se izvođenje žive muzike za vrijeme trajanja produženog rada za ugostiteljske objekte čije radno vrijeme je utvrđeno od 06,00-24,00 sata u skladu s Odlukom.

4. Upozoravaju se ugostitelji da u vrijeme trajanja produženog rada buka muzike i gostiju ispred i unutar objekta ne smiju narušavati kućni red i mir građana i drugih poslovnih subjekata.

O b r a z l o ž e n j e

Imajući u vidu da se u dane mjeseca Ramazana, a posebno uoči 27. noći svakodnevno održavaju prigodne manifestacije te činjenicu da je vrijeme iftara te teravih namaza u večernjim satima, iskazala se potreba za produženim radnim vremenom ugostiteljskih objekata.

Imajući u vidu gore navedeno, u skladu s članom 6. Odluke o radnom vremenu u određenim djelatnostima na području općine Tešanj ("Službeni glasnik općine Tešanj", broj:12/01,4/10,7/14), odlučeno je kao u dispozitivu rješenja.

Pouka o pravnom lijeku: Protiv ovog rješenja može se izjaviti žalba Drugostepenoj općinskoj Komisiji u roku od 15 dana od dana prijema rješenja.

Dostavljeno:

- 1.Web,
- 2.Mediji,
- 3.Policijska uprava Tešanj,
- 4.Oglasna ploča,
- 5.Ugostiteljska inspekcija ZDK,
- 6.Arhiva.

OPĆINSKI NAČELNIK

Mr. Sc. Suad Huskic, profesor

